

Universitätsbibliothek Wuppertal

Epistolæ obscvrorvm virorvm

cvm inlvstrantibvs adversariisqve scriptis

Textvs

Hutten, Ulrich von

Lipsiæ, 1864

Geleitgedicht

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-976](https://nbn-resolving.de/urn:nbn:de:hbz:468-1-976)

EPISTOLARVM

OBSCVRORVM VIRORVM

a diversis ad diversos scriptarum,

& nil præter lusum iocumque continentium,

in arrogantes sciolos,

plerumque famæ bonorum Virorum obtrectatores,

& fanioris doctrinæ contaminatores.

VOLVMEN TERTIVM.

AD LECTOREM.

Rifum Heraclitæ est, vasti ridere parati

Arida mutarunt pectora Stoicidæ.

Da mihi tristem animum, ferales obiice luctus:

Dispeream nifi mox omnia rifs erunt.

Exerce pulmonem.

EDITOR LECTORI S.

Antiquius tertii huius q. v. Epistolarum obseurorum virorum voluminis exemplum quam quod prioribus, supra paginis 1...79. et 185...300. exhibitis, in tribus Pseudolondinensibus editionibus, et ea quæ sine anni indicatione et duabus quæ expresso anni 1689. numero prodierunt, sordidis omnibus sed vulgatissimis, paginis 503...550. accessit, neque vidi neque ab aliis memoratum legi: omnium autem editionum, quotquot factas esse adhuc probari potest, mihi exempla ad manus sunt. itaque persuasum habeo hoc tertium volumen ante a. 1689. operis publicatum non esse, quamvis Pseudolondinensis iste editor aperte nihil præstitit nisi quod indocte et temerarie ex priori, quod forte ad manus ei fuit, exemplo novum transcribi non tam curavit quam operarii permisit: veri enim simillimum mihi videtur, in eo exemplari, ad quod Pseudolondinense repetitum est, aliquem, sive aliquos malis, manu sua epistolatas sive alia dictamina (ut cum Obscuris loquar) adscripsisse, quæ ad idem cum epistulis O. V. Iudicium scribendi genus pertinere sibi viderentur, quibus accessionibus tum primum typis expressis Pseudolondinensis editor tertii epistolarum O. V. voluminis nomen dedit, ceterum ea videlicet inscriptione usus, quæ inde ab a. 1556. [cf. Indic. bibliogr. Epp. O. V. num. 7. sqq.] in usum venerat. Ita facile explicatu videtur qui factum sit ut his adversarii litterariis, quæ peculiare alicuius auctoris opusculum dici nequeunt, ab argumento verarum epistolarum O. V., si cap. 13. ed. n. excipias, omnino alienis, et locus et honor, quibus hodie inmerito gaudent, quodam quasi iure dari potuerit. nam varia sunt hæc collectanea et inæqualia interque se non cohaerentia, diversis quoque temporibus composita, partim ex antiquioribus quodlibetis (ut 11. 12.) et ex ipsis genuinis O. V. epistolis (ut 13.) transcripta aut consarcinata, partim (ut 4.) ex veterum poetarum, Ovidii Tibullique maxime, versuum partibus consuta elegiæ sine sensu umbra, partim arida sunt alicuius tetrici magistri (ut 7. 10.) inficetæque puerilis ingenii imitatoris lucubrations, dicendi genere ad nauseam usque fatuo inconditoque ab illo vere scholastico priorum voluminum dicendi genere longe diversæ et, ut mihi quidem videtur, toto certe sæculo recentiores. Attamen Weislingerus (Hutten. delarv. p. 14. sqq.) ex hoc tertio volumine Huttenum inlusorem levissimum, impiissimum, infastissimum fuisse demonstrare voluit; neque multo sanius Miinchii (Epp. O. V. 1827. 8°. p. 63.) iudicium est hoc: „Hinsichtlich des ... dritten Buches bleibt nicht viel zu sagen übrig. Sie [vult die Briefe] sind offenbar ein Erzeugniss späterer Jahre, und wenn auch noch des sechzehnten Jahrhunderts und von Freunden und Geistesverwandten der Verfasser der zwei ersten Theile, so erreichen sie dennoch bei weitem nicht dieselben[!], weder in Erfindung des Witzes, noch in Ton und Haltung”. Sed et ipse Pseudolondinensis exemplaris editor quid sibi voluerint genuinarum partium auctores parum odoratus est: nam postquam de duobus prioribus voluminibus, quorum auctorem Reuchlinum fuisse sibi persuaderi passus est, ea divendita esse præfatus est, pergit hoc modo: „Placuit proinde novam hanc Editionem tertio volumine auctam procurare, eum in finem, ut et doctus Orbis denuo cognoscat, quantis sordibus olim stabulum Latini repletum fuerit, quantoque constiterit labore, illud purgare; Juventus vero exinde in Latino sermone discat vitare solæcismos et Germanismos minus decentes. Utrique demum Deo gratias agant, quod linguam hanc tam nobilem olim in Barbariem pene versam, pristino nitoris restituerit: Vale!”